

S. VIII. 33.

14
SUPER FUNUS
IMMATURUM

INGENUÆ ET LE-
CTISSIMÆ FÆMINÆ SO-
PHIÆ CAMERARII UXORIS
dum vivebat Dulcissimæ

CLARISSIMI ET CON-
SULTISSIMI VIRI Dn.
THEODORI PLONNIES

J. U. DOCTORIS AULÆ AC CON-
sistorij Stetinenfis Consiliarij Dignissimi
Abitum & obitum abrepta COSTÆ

Postquam felici partu III. Non Septemb.
liberata, Marito Pignus, IV. vero Idus ejusdem, Deo immor-
tali animam, & XVII. Cal. Octob. Matri Terræ
Corpus depositum commisit,

Affectu maritali suspirantis
DOLORES
AMICORUM COMPATIENTIUM.


STETINI Typis Samuelis Kelneri, Anno 1614.



CLARISSIMO ET CONSVL-
tissimo Viro Dn. THEODORO PLON-
NIES J. U. D. Consiliario aulæ, & Con-
sistorij Sed. dignissimo, Dno. Ad-
fui & collegæ plurimum colendo lugenti
obitum conjugis charissimæ.

HEU THEODORE tuæ defles pia lucta
SOPHIÆ,
Et solatiolum, mi THEODORE,
petis.
NOSSE DEUM, BENE POSSE MORI sola-
tia multa,
Plus solatioli MAXIMUS ille dabit.

Georg. Valentin. Win-
ter, D.





ALIVD.

Quàm jucunda tibi fuit ac voluptuosa,
CAMERARI SOPHIA altera GRA-
TIARUM Mut illa,

HENRICO patre, (Lampade juris, immò Ocello
Illo Justitiæ, ubi vixit; ROSARUM in almâ
Scholâ) volente, tibi gratiosa Amoris

Jungebatur AMICULA conjugalis, Uxor:

Lux tam mœsta hodie est tibi tamq̃ luctuosa,

Quâ disjungimini; revocante nempe JOVA,

Annos aliquot quod dedit usui venustum,

Non mancipio, tibi Mutuum; APPOLONI.

Seipsum gravis; Parturientis & maritæ

Equidem amissio; Missio dura FILIABVS

Teneris: Heu! Dolor. At praeunte eam RACHELE,

BEN-ONI pararat moribunda cum JACOBO,

Lassu te exue cordis frago MARITE mœrens.

Peregrinatio vita hodierna, Fixa nunquam

Mansio, continuus quoq̃; cursus est ad unam!

Felix, qui spacia aspera letiore vincit

Brevioriq̃ gradu miserabilis malorum

Semita

Semitæ, & exiliÿ à PATRIA periculosi.
Vita altera, vita aurea, vita vera vitæ!

Condolentia testanda g.

M. Balth. Seher / P. C. Cæs. Reip. Stet,
Senat. fundebat.

ALIVD.

C *Laris clara parentibus, marito*
Claro, moribus integris, venustâ
Formâ, dote gravi, bonisq; summis,
Queis corpusq; animusq; sat beatur,
Eheu morte cadit! jacet perempta!
Ergo, quisquis es, heus, memor caducæ
Sortis disce mōri: baud opes, nec annos,
Nec stemma enumeres, ijsq; fidas.
His si lanificæ Deæ valerent
Vinci, vinceret hæc, jacere victam
Quam cernis, tereretq; humum, terenda
Huic quæ nunc dabitur. Rosas sepulchro
Ferto ejus, rosa quæ recens virebat.

M. Heinr. Kielmannus.

ALIVD.

N Equaquam Sophiam perisse credam.
 Pars visceribus super mariti est,
 In Cælô altera vivit; atq; terris
 Pars vilissima conditur, quæ & ipsa
 Certô tempore fiat resuscitanda,
 Et cum mente iterum unicâ unienda,
 Cum Censorius institutus olim
 Dies is fuerit. Proinde Plönni,
 Plönni, qui Sophiâ clues ab ipsâ,
 Plönni, pars Sophiæ cluens & ipse,
 Nequaquam Sophiam perisse credas.

M. Caspar Khol.

ALIVD.

F *Ata manent omnes, dura lex aspera mortis,
 Solvere natura debita quemq; jubet.
 Parcere Virtuti, Pietati, nescia mors est,
 Omnibus est eadem mortis amara via.
 Si Virtus, Pietas, conferrent premia vita,
 Compater excellens Ingenio & Genio,
 Mortua non esset tua costa, at digna fuisset
 In terris annos vivere perpetuos.*

Nam

Nam virtutis erat cultrix, Pietatis amatrix,
 Erga immortalem religiosa DEum.
 Nunc prostrata jacet, fatisq; crepta cruentis,
 Coniuge te, Sobolem matre, carere facit.
 Condoleo, tecum lacrymasq; profundo madentes,
 Atq; tuam tristi lugeo mente vicem.
 O funesta dies, tibi quâ, Clarissime Fautor,
 Eripuit Sophiam mors inimica tuam!
 Deploranda dies, nigroq; notanda lapillo,
 Altera quâ tibi non tristior orbe fuit.
 Sed quid flere iuvat? quem mors semel abstulit atra,
 Fletibus aut lacrymis non revocare licet.
 Æthiopes, vel quos Patagonum regio nutrit,
 In lusu & risu ponere summa solent.
 Sunt alij gentes, Pietas queis nulla DEusvè,
 Hi deflere suos, at sine lege solent.
 Lex alia est nobis, non hos imitabimur, in se
 Qui præter formam nil hominis retinent.
 Est equidem pietas deplangere morte sopitos,
 Sed tamen hic plandus debet habere modum
 Non videt aternam mortem, si quis benè vixit,
 Æternum moritur qui malè vixit homo.
 Siste igitur lacrymas, tua, Vir Clarissime, coniunx,
 Nunc sedet ad mensam, civis amica Dei.
 Huc aspiremus quoq; nos: Convivia Divum
 Pingua sunt: luctum nil nisi mundus habet.

Petrus Neomarcus.





921116 **Bibliotheca** 105 000
P.P. Camaldulensium in Bielany

Depozyt w Bibliotece Jagiellońskiej



06393

S.VIII.33

